

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD CAZIN**

**DOKUMENT OKVIRNOG BUDŽETA GRADA
CAZINA ZA 2018.-2020. GODINU**

Cazin, juni 2017. godine

1. Uvod

U skladu sa Zakonom o Budžetu FBiH (Službene novine FBiH, br. 102/13, 9/14, 13/14, 8/15) urađen je dokument okvirnog Budžeta Grada Cazin za period od 2018. do 2020. godine (skraćeno DOB) koji služi kao polazna osnova za izradu Nacrta Budžeta za 2018. godinu i koji sadrži procjene Budžeta za 2019. i 2020. godinu.

Dokument okvirnog budžeta (DOB) predstavlja kratkoročnu i srednjoročnu ekonomsku i fiskalnu prognozu za društveno-ekonomsko okruženje, a u okviru kojeg se projicira ekonomski i fiskalni položaj općine u trogodišnjem periodu.

Smjernice ekonomske i fiskalne politike za trogodišnji period sa viših nivoa vlasti (Unsko sanski kanton i FBiH) bi trebale biti objavljene i osnova su za izradu dokumenta okvirnog Budžeta. Novim Zakonom o budžetima u FBiH („Službene novine Federacije BiH“, broj: 102/13, 9/14, 13/14, 8/15), propisan je budžetski kalendar kojim su utvrđeni krajnji rokovi za svaku fazu budžetskog planiranja i kojim je predviđeno da DOB, kao jedinstven dokument, vlada odnosno načelnik razmatra i usvaja do 30. juna tekuće godine.

Teškoća za primjenu ovako definisanih zakonskih odredbi predstavlja činjenica da su novim Zakonom o budžetima u FBiH definisane iste procedure i rokovi za pripremu budžetskih dokumenata za sve nivoe vlasti, zatim da se u pripremi navedenih dokumenata treba bazirati na smjernicama ekonomske i fiskalne politike viših nivoa vlasti koje općine nemaju u periodu pripreme svojih budžetskih dokumenata, odnosno činjenica da se nisu dostavile smjernice sa viših nivoa vlasti (FBiH, USK) u roku ili se nisu ni dostavile kako je predviđeno Zakonom o Budžetu FBiH odnosno propisanim Budžetskim kalendarom iz navedenog zakona.

Imajući u vidu navedeno, izrada Dokumenta okvirnog Budžeta općine Cazin za period 2018.- 2020. se temelji na slijedećim dokumentima/informacijama:

- Dokumentu okvirnog budžeta Federacije BiH za period 2017.-2019. (elektronska verzija dokumenta; Sarajevo, objava: juni 2016. godine);
- Dokument okvirnog Budžeta USK za period 2017.-2019. (elektronska verzija dokumenta; Bihać, objava: juni 2015. godine);
- Revidiranim projekcijama prihoda i rashoda Unsko sanskog kantona kantona za 2017 i za razdoblje 2018.-2020. godine (dostavljeno Općini Cazin maj 2016),
- Projekcijama prihoda od indirektnih poreza u periodu 2016.-2019. godine objavljenim od strane Odjeljenja za makroekonomsku analizu Uprave za indirektno oporezivanje
- Statističkim podacima objavljenim u Statističkom godišnjaku Federacije Bosne i Hercegovini (Federalni zavod za statistiku, Sarajevo),
- Strategija razvoja Općine Cazin za period 2011.-2020. godine
- Procjena prihoda za Općinu Cazin 2018.-2020. je urađena po osnovu historijskog principa (izvještaja o izvršenju budžeta iz proteklih godina i drugih finansijski pokazatelja iz proteklih perioda).

Važno je imati u vidu da DOB, kao okvirni dokument za donošenje Budžeta, predstavlja osnovu za planiranje jednogodišnjeg budžeta i nije limitirajući faktor planiranja prihoda i izdataka prilikom donošenja dokumenata Budžeta, ali treba predstavljati gornju granicu rashoda za trogodišnji period prilikom pripreme budžetskih zahtjeva iako je gotovo nemoguće postići identične vrijednosti projiciranih DOB-om i nacrtom, odnosno prijedlogom budžeta.

2. Srednjoročna makroekonomska prognoza i fiskalna strategija Bosne i Hercegovine, Federacije BiH

Analiza kretanja ekonomskih trendova Bosne i Hercegovine, uzimajući u obzir međunarodne faktore, rezultirala je pokazateljima u slijedećim oblastima:

- ekonomski rast: očekuje se postepeno poboljšanje eksternog okruženja uz stabilizaciju svjetskih cijena i jačanje ekonomskog rasta u BiH što će osigurati značajan rast izvoza i domaće tražnje i zaustaviti deflaciju uz procjenu da se neće desiti elementarne nepogode; očekivane stope rasta su 2,6% (2015. godina); 3,2% (2016.godina); 3,6% (2007. godina); 4,4% (2018. godina);
- industrijska proizvodnja: nakon stagnacije u 2014. godini kao posljedice izrazito teških uslova poslovanja zbog proglašenog stanja elementarne nepogode, očekuje se rast 4,8% (2015. godine), 5,4% (2016. godine); 5,7% (2017. godine) i 6% (2018. godine) uz ključnu ulogu energetskog sektora (pokretanje novih proizvodnih kapaciteta) i prerađivačke industrije koja čini 2/3 industrijske proizvodnje i u velikoj mjeri je izvozno orijentisana;
- tržište rada: očekivana je postepena stabilizacija uz pretpostavljeni rast BDP-a i smanjenje stope nezaposlenosti uz rizik koji se bazira na nivou potražnje, investicija i obim trgovine u BiH i Evropskoj uniji; procjene stope rasta prosječne plate u BiH iznose 0,5% (2015./2014.); 1,5% (2016./2015.); 1,9% (2017./2016.); 2,1% (2018./2017.) dok je procjena povećanja broja zaposlenih 1,7% (2015./2014.), 1,8% (2016./2015.), 2% (2017./2016.), 2,1% (2018./2017.);
- cijene: ne očekuje se značajan rast opšteg nivoa cijena uz brojne eksterne rizike (cijene nafte i hrane) i domaće rizike (cijene komunalija); predviđene stope rasta iznose 0,2% (2015./2014.), 1,00% (2016./2015.), 1,3% (2017./2016.), 1,5% (2018./2017.)
- monetarni sektor: očekuje se i dalje rast depozita (prije svega od strane stanovništva) i deviznih rezervi (zbog priliva po stand-by aranžmanu, inozemnih zaduživanja), ali sporiji u odnosu na 2014. godinu;
- bankarski sektor: očekivani rasta potražnje, industrijske proizvodnje i investicija trebao bi se pozitivno odraziti i na rast kredita (5%-6%) i depozita (6%-8%).
- vanjska trgovina: povoljnije međunarodno poslovno okruženje, oporavak vanjskotrgovinske robne razmjene i industrijske proizvodnje trebalo bi rezultirati realnim povećanjem i izvoza i uvoza uz smanjenje vanjskotrgovinskog deficita i boljom pokrivenošću uvoza izvozom;
- strana direktna ulaganja: u skladu sa očekivanim pozitivnim trendovima očekivana direktna strana ulaganja bi treba biti 880-940 miliona KM (2015. godine); 980-1080 miliona KM (2016. godine), 940-1040 miliona KM (2017. godine) i 910-1010 miliona KM (2018. godine).

Navedene makroekonomske projekcije u skladu su i sa projekcijama utvrđenim Globalnim okvirom fiskalnog bilansa i politika u Bosni Hercegovini 2016.-2018. godini donesenim od strane Fiskalnog vijeća Bosne i Hercegovine, ali uz djelimično opreznije prognoze vrijednosti relativnih pokazatelja.

U Dokumentu okvirnog budžeta Federacije BiH za period 2017.-2018. godine, kao ciljevi ekonomske politike u narednom periodu definisani su očuvanje makroekonomske stabilnosti uz usvajanje politika za rješavanje fiskalnog debalansa i jačanje finansijskog sektora te se u tom smislu navodi da je neophodno:

- ojačati fiskalnu politiku i poboljšati srednjoročnu fiskalnu održivost kako bi se smanjile potrebe vlade za finansiranjem iz stranog ili domaćeg bankarskog sektora
- provesti dogovorene fiskalne reforme

- poduzeti strukturalne fiskalne reforme koje će očuvati konkurentnost kroz preusmjeravanje javne potrošnje na kapitalne investicije i razvojnu potrošnju

U donošenju DOB-a za period 2018.-2020. godinu, Grad Cazin je uključen putem Kantonalnog ministarstva finansija, na način što je nadležna služba, tj. Služba za finansije, računovodstvo i trezor od Kantonalnog ministarstva finansija dobila Upute za pripremu Tabela pregleda prioriteta budžetskih korisnika za period 2018-2020 godine (Instrukcije 1.) i to:

- Tabela 3.6. Stvarni i projekirani porezni i neporezni prihodi;
- Tabela 4.1. Plate, naknade i broj zaposlenih u javnom sektoru;
- Tabela 4.0. Procjena budžeta po ekonomskoj klasifikaciju;
- Tabela 4.2. Javna ulaganja finansirana iz vanjskih izvora;
- Tabela 6.3. Rashodi po funkcijama

Navedene tabele su izrađene i dostavljene Kantonalnom ministarstvu finansija radi konsolidacije Grad i izrade DOB-a USK-a za period 2018.-2020. godina, koji se od strane Kantona u skladu s Zakonom o budžetima u Federaciji BiH prosjeđuje Federalnom ministarstvu finansija.

3. Prihodi

Pregled projekcije prihoda za 2017., 2018., 2019. i 2020. godinu, te ostvarenja u 2016. godini dat je u slijedećem tabelarnom pregledu:

Vrsta prihoda	Naziv prihoda	Ostvareno	Plan	Projekcija		
		2016	2017	2018	2019	2020
	I. Porezni prihodi	9,167	9,442	9,065	9,692	10,358
717	Prihodi od indirektnih poreza	6,915	6,995	6,934	7,561	8,227
711	Porez na dobit	0,002	0,003	0,001	0,001	0,001
714	Porezi na imovinu	1,148	1,280	1,200	1,200	1,200
716	Porez na dohodak	1,100	1,163	0,930	0,930	0,930
719	Ostali porezi	0,002	0,001	0,000	0,000	0,000
	II. Neporezni prihodi	2,773	2,961	2,600	2,600	2,600
721	prihodi od poduzetničkih akt. i imovine	0,090	0,106	0,100	0,100	0,100
722	Naknade i takse, vlastiti prihodi	2,681	2,851	2,500	2,500	2,500
723	Novčane kazne	0,002	0,004	0,000	0,000	0,000
	III. Tekući transferi	0,630	1,751	2,400	2,100	2,100
732	Tekući transferi	0,630	1,601	1,400	1,100	1,100
733	Donacije	0,000	0,150	0,000	0,000	0,000
742	Kapitalni transferi	0,000	0,000	1,000	1,000	1,000
	UKUPNO PRIHODI (I+II+III)	12,570	14,154	14,065	14,392	15,058
81	KAPITALNI PRIMICI	1,500	1,300	0,000	0,000	0,000
811	od prodaje stalnih sredstva	0,000	0,000	0,000	0,000	0,000
813	od finansijske imovine	0,000	0,900	0,000	0,000	0,000
814	od dugoročnog zaduživanja	1,500	0,000	0,000	0,000	0,000
815	od kratkoročnog zaduživanja	0,000	0,400	0,000	0,000	0,000
	UKUPNO PRIHODI I PRIMICI	14,070	15,454	14,065	14,392	15,058
	Prihodi od indirektnih poreza -dc	1,092	1,250	1,100	1,100	1,100
	SVEUKUPNO	15,162	16,704	15,165	15,492	16,158

a) Prihodi od indirektnih poreza

Prema revidiranim projekcijama prihoda koje je izradilo Federalno ministarstvo finansija, u Općini Cazin su projicirani prihodi od indirektnih poreza u iznosu od 6,342 mil. KM za 2016. godinu, za 2017. godinu 6,742 mil. KM i 2018. godinu 6,658 mil. KM.

Ostvarenje ove vrste prihoda u prethodnim godinama data je u slijedećem tabelarnom pregledu:

Revidirane projekcije prihoda sa Jedinstvenog računa (PDV)

	2017	2018	2019	2020
Projekcije prihoda sa Jedinstvenog računa	127.533.325	131.860.127	143.795.918	156.456.511
Ostvarenje/Plan Cazin	6.706.708	6.934.246	7.561.924	8.227.718

Zakonom o pripadnosti javnih prihoda u Federaciji Bosne i Hercegovine je detaljno regulisana raspodjela prihoda od indirektnih poreza između Federacije, kantona, jedinica lokalne samouprave i direkcije za ceste, te ugrađene mjere koje se odnose na postepeno uvođenje novog modela raspodjele prihoda po osnovu indirektnih poreza između svih nivoa vlasti i Federacije BiH. Za projekcije prihoda za kantonalni i općinski nivo vlasti koristi se metodologija raspodjele sa Jedinstvenog računa, a u zavisnosti od troškova finansiranja države i utvrđenoj visini plana otplate spoljnog duga

Zbog nepoznanice o konačnim izdvajanjima za finansiranje BH institucija, kao i konačnog povrata poreza u cilju poravnanja koje još uvijek nije konačno projicirani prihodi mogu biti u odstupanju od predviđenog ekonomskog rasta (npr. promjene porezne politike, odsustva stabilnih koeficijenata raspodjela indirektnih poreza, promjene nivoa zaduženosti BiH i dr).

b) Prihodi od direktnih poreza

Projekcija prihoda od poreza na dohodak u kontekstu Zakona o porezu na dohodak čija je primjena započela od 01. 01. 2009. godine, urađena je u skladu sa usvojenom praksom iz prethodnih godina i do sada korištenom metodologijom izrade DOB-a.

U okviru reforme poreznog sistema u BiH donesen je i Zakon o porezu na dohodak („Službene novine FBiH“ broj 10/08, 9/10, 44/11, 7/13 i 65/13), s kojim je regulisano oporezivanje dohotka fizičkih lica, a zamijenio je dosadašnji neujednačeni način oporezivanja ovih prihoda na osnovu Federalnih propisa (Zakon o porezu na plaću „Službene novine FBiH“ broj 26/96, 27/97, 12/98, 29/00, 54/00, 16/01,7/02, 27/02 i 6/04), te Kantonalnih propisa (Zakon o porezima USK-a „Službeni glasnik USK-a“ broj 9/99, 8/00 i 3/07) i time se napravio još jedan korak prema modernizaciji porezne politike i uspostavljanja jedinstvenog prostora BiH. Isti se počeo primjenjivati od 01.01.2009. godine. Porez na dohodak se prema odredbama Zakona o pripadnosti javnih prihoda u Federaciji Bosne i Hercegovine raspoređuje između kantona i Grad u omjeru 65,54 prema 34,46 %.

Također, i kod ove vrste prihoda je procjena ipak urađena na osnovu ostvarenja u prethodnom periodu, ali su uzete u obzir i projekcije dobijene od viših nivoa vlasti. Ostvarenje ove vrste prihoda u prethodnim godinama data je u slijedećem tabelarnom pregledu:

Projekcije prihoda	2016	2017	2018	2019	2020
Porez na dohodak općine	6.850.261	7.443.330	7.696.403	7.927.295	8.236.459

Poreze građana čine porez na imovinu, porez na nasljeđa i poklone, te porez na promet nepokretnosti i prava. Ove poreze ne tretira Zakon o porezu na dohodak, a ocjena istih je izvršena u skladu sa postojećim kantonalnim propisima, te na osnovu ostvarenja u prethodnom periodu.

U skladu sa gore navedenim propisima, ova vrsta prihoda Gradma pripada u 100 %-tnom iznosu. U periodu od 2017. do 2019. godine se procjenjuje ostvarenje od 1,3 mil. KM, tj. bez porasta odnosno pada.

c) Neporezni prihodi

Neporezne prihode čine naknade, takse i novčane kazne. U neporeznim приходima najveće učešće imaju naknade i takse, zatim naknade za korištenje građevinskog zemljišta i slično.

Neporezni prihodi zavise od općinske politike te se u skladu s tim i planira njihovo izvršenje.

Projekcije prihoda	2016	2017	2018	2019	2020
Neporezni prihodi (mil.)	2,7	2,9	2,6	2,6	2,6

d) tekuće potpore (grantovi)

Treću vrstu prihoda u Budžetu općine Cazin čine primici uplaćeni od strane drugih nivoa vlasti. Ovdje se radi o nestalnim приходima čija se procjena vrši na osnovu ostvarenja u prethodnom periodu.

4. STRUKTURA RASHODA ZA PERIOD OD TRI GODINE (srednjoročni okvir rashoda)

U ovom poglavlju su sažeta glavna pitanja iz oblast i upravljanja javnim sredstvima i budžetske reforme u BiH. Ovo poglavlje se zasebno fokusira na plate u javnom sektoru, materijalne troškove, kapitalne izdatke i transfere.

Na osnovu ove analize urađene su projekcije budžetske potrošnje po ekonomskim kategorijama za period 2018.-2020. godine.

4.0. Tabela mil. KM	Ostvareno	Plan	Projekcije		
	2016	2017	2018	2019	2020
UKUPNI RASHODI	12,377	12,102	12,165	12,440	13,106
Ukupni troškovi plata	4,464	4,871	4,850	4,850	4,850
Plate	3,461	3,783	3,700	3,700	3,700
Naknade	0,601	0,613	0,650	0,650	0,650
Doprinosi	0,402	0,475	0,500	0,500	0,500
Izdaci za materijal i usluge	1,552	1,629	1,790	1,790	1,800
Transferi	2,509	3,850	3,430	3,600	4,156
Transfer drugim nivoima vlasti	0,000	0,000	0,000	0,000	0,000

Transferi pojedincima	1,010	1,893	1,430	1,600	2,156
Grantovi neprofitnim organizacijama	1,016	1,402	1,400	1,400	1,400
Subvencije JP	0,263	0,365	0,400	0,400	0,400
Ostali transferi	0,220	0,190	0,200	0,200	0,200
Kapitalni grantovi	3,708	1,565	1,895	2,000	2,100
Izdaci za kamate	0,144	0,187	0,200	0,200	0,200
Kapitalni izdaci	2,483	4,603	3,000	3,052	3,052
Nabavka stalnih sredstava	0,883	3,403	2,000	2,052	2,052
Izdaci za finansijsku imovinu - sud	0,700	0,000	0,000	0,000	0,000
Izdaci za oplatdu duga	0,900	1,200	1,000	1,000	1,000
UKUPNI RASHODI I IZDACI	14,860	16,705	15,165	15,492	16,158

Plaće u javnom sektoru

U 2016. godini planirana je potrošnja za plaće (plaće, naknade i doprinosi) u iznosu od 4,733 mil. KM, dok je u 2017. 2018. i 2019. godini planiran iznos od 4,695 mil. KM.

Ukupan broj zaposlenih u javnom sektoru koji se finansira iz općinskog Budžeta u 2016. godini je 166 zaposlenih, a u 2017. , 2017. i 2019. godini predviđeno je da se broj zaposlenih zadrži na istom nivou.

Tabela 4.1: Konsolidovana (plate, naknade i broj zaposlenih)

	Ostvareno	Plan	Prognoza		
	2016 Mil KM	2017 Mil KM	2018 Mil KM	2019 Mil KM	2020 Mil KM
Vlada kantona					
Ukupno plate, naknade i doprinosi	0,00	0,00	0,00	0,00	0,00
Ukupan broj zaposlenih	0,00	0,00	0,00	0,00	0,00
Prosječna plata	0,00	0,00	0,00	0,00	0,00
Opštinske vlasti	0,00	0,00	0,00	0,00	0,00
Ukupno plate, naknade i doprinosi	4,464	4,871	4,850	4,850	4,850
Ukupan broj zaposlenih	166	166	167	167	167
Prosječna plata	0,027	0,029	0,029	0,029	0,029
Vanbudžetski fondovi	0,00	0,00	0,00	0,00	0,00
Ukupno plate, naknade i doprinosi	0,00	0,00	0,00	0,00	0,00
Ukupan broj zaposlenih	0,00	0,00	0,00	0,00	0,00
Prosječna plata	0,00	0,00	0,00	0,00	0,00
Ukupno - plate i broj osoblja	0,00	0,00	0,00	0,00	0,00
Ukupno plate	0,00	0,00	0,00	0,00	0,00
Ukupno zaposlenih u javnom sektoru	0,00	0,00	0,00	0,00	0,00
Prosječna plata	0,00	0,00	0,00	0,00	0,00

Kapitalna potrošnja za period tri godine

Kapitalnu potrošnju predstavljaju uglavnom projekti koji se realiziraju putem JU „Komunalno stambeni fond“ Cazin, te kroz Program obavljanja djelatnosti zajedničke komunalne potrošnje, Program uređenja gradskog građevinskog zemljišta, Program održavanja, zaštite, rekonstrukcije i izgradnje lokalnih cesta, gradskih ulica i nerazvrstanih cesta, te Program

uređenja i održavanja vodotoka i drugih voda, izgradnje, rekonstrukcije i održavanje vodnih objekata. Također u okviru kapitalnih izdataka su planirani i kapitalni transferi, izdaci za kamatu i otplatu duga po osnovu kreditnog zaduživanja, te sredstva za nabavku stalnih sredstava za rad organa uprave.

Tabela 4.2: 2 Javna ulaganja finansirana iz budžetskih sredstava

	Realno	Procjena	Prognoza		
	2016.	2017	2018	2019	2020
	mil KM	mil KM	mil KM	mil KM	mil KM
Kanton					
Projicirane obaveze					
Projekti u fazi implementacije (transfer)					
Projekti u fazi pripreme / pregovora					
Novi projekti					
<i>Ukupno</i>					
Projicirana potrošnja					
Projekti u fazi implementacije (transfer)					
Projekti u fazi pripreme / pregovora					
<i>Novi projekti</i>					
<i>Ukupno</i>					
Općine/grad					
Projicirane obaveze					
Projekti u fazi implementacije (transfer)	1,500	1,565	1,895	2,000	2,100
Projekti u fazi pripreme / pregovora	0,000	0,000	0,000	0,000	0,000
Novi projekti	0,000	0,000	0,000	0,000	0,000
<i>Ukupno</i>	<i>1,500</i>	<i>1,565</i>	<i>1,895</i>	<i>2,000</i>	<i>2,100</i>
Projicirana potrošnja					
Projekti u fazi implementacije (transfer)					
Projekti u fazi pripreme / pregovora					
Novi projekti					
<i>Ukupno</i>					
<i>Ukupno kanton općine i grad</i>	1,500	1,565	1,895	2,000	2,100

Javnopreduzeća kod kojeg je učešće javnih prihoda u ukupnim prihodima više od 50 % je JP RTV Cazin doo. Ovo preduzeće ima u planu kapitalne investicije u narednoj godini za nabavku opreme za emitovanje slike i glasa za 2018. Godinu u iznosu od 300.00,00 KM čime bi se zaokružila nabavka opreme za ovo preduzeće. U periodu 2019.. i 2020. godini neisu planirana kapitalna ulaganja.

Javno preduzeće za kojeg su date garancije Grada Cazina je JKP Vodovod doo Cazin i za isto uz DOB prilažemo aneks trogodišnjeg plana JKP Vodovod doo Cazin.

5. BUDŽETSKI PRIORITETI ZA PERIOD 2018.-2020. GODINE

Budžet predstavlja sredstvo putem kojeg se strateški ciljevi Grad provode u usluge, programe i aktivnosti koje su usmjerene ka ispunjenju socijalnih i ekonomskih potreba građana.

U početnoj fazi donošenja Budžeta od budžetskih korisnika se traži da Službi za finansije dostave svoje preglede prioriteta (Instrukcije 1) na način što svoje programske aktivnosti iskazuju na tabelama prioriteta.

Priprema prioriternih tabela omogućava budžetskim korisnicima da učestvuju u DOB-u tako što će navesti svoje ključne prioritete za dodjelu resursa u skladu sa Srednjoročnom razvojnom strategijom (SRS) i drugim strateškim dokumentom kojim se definiraju sektorski prioritete usvojeni od strane Vlade, odnosno Gradonačelnika.

Obzirom da zahtjevi budžetskih korisnika uglavnom nadmašuju raspoloživa sredstva, vrlo je bitno da se svi korisnici pridržavaju uputa iz Instrukcija br. 1 ukoliko žele da njihovi zahtjevi budu razmotreni od strane Gradonačelnika. Osim toga je važno da su zahtjevi detaljno obrazloženi, kako bi Gradonačelnik imao dovoljno informacija da uporedi konkurentne zahtjeve za sredstvima.

Kroz pripremu ovih tabela budžetski korisnici navode prijedloge za svoje visokoprioritetne programe potrošnje, kao i opcije ušteda od programa koji imaju niži prioritet ili se ne odvijaju očekivanim tokom, sa kojim bi se sredstva mogla preusmjeriti na programe višeg prioriteta u skladu sa sektorskim prioritetima navedenim u Srednjoročnoj razvojnoj strategiji.

Prilog:

- Aneks trogodišnjeg plana JP Vodovod

Broj: 02 -14 – 8464/17

Datum: 26. 06. 2017. godine

GRADONAČELNIK

mr. Nermin Ogršević